

針方六集

針方六集卷之五

紛署集目錄

頭直鼻中髮際傍行至頭維凡七穴第二每穴  
各開一寸五分

頭直鼻中入髮際一寸循督脉却行至風府凡  
八穴第二

頭直俠督脉各一寸五分却行至玉枕凡十穴  
第三足太陽經

頭直日上入髮際五分却行至腦空凡十穴第  
四足少陽經

頭緣耳上却行至完骨凡十二穴第五

頭後髮際中央傍行凡五穴第六

背自第一椎循督脉行至脊骶凡十三穴第七

背自第一椎兩傍俠脊各一寸五分下至節凡  
四十四穴第八

背自第二椎兩傍俠脊各三寸行至二十一椎

下凡二十八穴第九

面部凡三十九穴第十

耳前後凡二十穴第十一

頸凡十七穴第十二

肩凡二十八穴第十三

胸自天突循任脉下行至中庭凡七穴第十四  
胸自輸府俠任脉兩傍各二寸下至步廊凡十

二穴第十五

胸自氣戶俠輸府兩傍各二寸下行至乳根凡  
十二穴第十六

胸自雲門俠氣戶兩傍各二寸下行至食竇凡  
十二穴第十七

腋脇下凡八穴第十八

腹入鳩尾循任脉下行至會陰凡十五穴第十  
九

腹自幽門俠巨闕兩傍各半寸循衝脉下行至

橫骨凡二十穴第二十

腹自不容以下俠幽門兩傍各二寸五分自天  
樞至氣衝俠足少陰各一寸五分凡二十四穴  
第二十一

腹自期門上直兩乳俠不容兩傍各一寸五分  
下行至衝門凡十四穴第二十二

手太陰及臂凡一十八穴第二十三

手厥陰心主及臂凡一十六穴第二十四

手少陰及臂凡一十八穴第二十五

手陽明大腸凡二十八穴第二十六

手少陽及臂凡二十四穴第二十七

手太陽凡一十六穴第二十八

足太陰及股凡二十二穴第二十九

足厥陰及股凡一十二穴第三十

足少陰及股并陰躄陰維凡二十穴第三十一

足陽明及股凡三十穴第三十二

足少陽及股并陽維四穴凡二十八穴第三十

三

足太陽及股并陽蹻六穴凡三十六穴第三十  
四終

紛畧集目錄終

針方六集

八紛畧集目錄

四



針方六集卷之五

古歛鶴臯吳崐述

海陽忍菴程標梓

紛署集

叙曰。人身頭面肢體。部穴不同。經傳所署。何紛紛也。然或得之針。或得之灸。以去疾。卽安紀爲妙義。文之委瑣。胥不足陋。語曰。一曲之言。大方不棄。作紛署集。列于左方。針灸同法。

頭直鼻中髮際傍行至頭維。凡七穴第一。○每穴各開一寸五分

神庭一穴。主身反吐舌癩。癩目上視不識人。鼻流清涕。目出冷淚。頭痛喘喝。

曲差二穴。治雷頭風。頭疼身熱汗不出。眼視不明。軌。衄。鼻塞。鼻瘡。頂腫心煩。

本神二穴。主目眩項強。驚癇嘔吐涎沫。胸脇相引。不得轉側。偏風。

頭維二穴。主頭痛如破。目痛如脫。眼赤目腫。乘風流  
淚。視物不明。

頭直鼻中。入髮際一寸。循督脉。却行至風府。凡  
八穴。第二。

上星一穴。主頭風面腫。鼻淵鼻塞。無聞。時生瘰肉。目  
眩睛痛。口鼻出血不止。宜出血以洩諸陽熱氣。

額會一穴。主頭風頭疼。腦虛衄血。面赤暴腫。頭皮腫  
顏青。目眩鼻塞。不聞香臭。驚癇。目上視。不識人。風

熱上攻宜出血。小兒顛未合者。禁刺。

前項一穴。主頭風目眩。面赤腫痛。驚癇。鼻流清涕。鼻塞。鼻痔。

百會一穴。主頭風中風。言語蹇澁。口禁不開。半身不遂。心煩。驚悸。健忘。精神恍惚。痰癘。脫肛。風癩。青風。心風。身反。羊鳴。悲哭。妄言。發時卽死。汗出。吐沫。而嘔。面赤。腦重。鼻塞。頭痛。目眩。食無味。百痛。絕陽。號。太子尸厥。扁鵲取三陽五會。有間。太子懸。蓋此穴。

也。唐高宗風眩頭重，目不能視。秦鳴鶴爲之刺頭，出血而愈。亦此穴也。

後頂一穴。主頭項強急，惡寒，風眩，目眩，額顱痛，歷節汗出，狂癲不臥，癰發，癩癧，頭風偏痛。

強間一穴。主頭風頭痛，目眩，腦旋，煩心，嘔吐，涎沫，項強，狂走不臥，目中冷淚。

腦戶一穴。主面赤，目黃，面痛，頭重，腫痛，癭瘤，禁不可深刺，妄灸。

風府一穴。主中風舌緩不語。振寒汗出。身重惡寒。頭  
重如石。項急不得回顧。目眩鼻衄。咽痛。頭中百病。  
頭直俠督脉各一寸五分。却行至玉枕。凡十穴。

第三

足太陽經

五處二穴。主脊強反折。瘰癧癩疾。偏頭風。鼻塞。時時  
嚏不已。目昏。目上戴。不識人。內障。頭生瘡疥。宜三  
稜針出血。

承光二穴。主鼻塞不聞香臭。口喎風眩。頭痛。嘔吐。心

煩。鼻多清涕。目生白膜。

通天二穴。主頸項難轉。鼻中塞悶。偏風口喎。鼻多清涕。衄血。頭重旋暈。尸厥。喘息。項有大氣。癭瘤。絡却二穴。主清風內障。目無所見。頭旋耳鳴。狂走癡。癡恍惚不樂。腹脹。

玉枕二穴。主腦風。目如脫。項如拔。不可左右顧。風眩。頭寒。多汗。鼻塞不聞。

頭直目上入髮際五分。却行至腦空。凡十穴。第

四 足少陽經

臨泣二穴。主中風不識人。目眩目疼。內障白翳。多眵  
淚。鼻塞淵涕。目外眦痛。驚癩反視。枕骨合顱痛。  
目窻二穴。主頭面浮腫旋眩。背痛。目視不明。頭痛寒  
熱。汗不出。惡寒。

正營二穴。主目眩牙疼。唇脣強急。頭項偏痛。齟齬。  
承靈二穴。主腦風頭痛。惡寒。鼻塞。欬衄。喘息不利。  
腦空二穴。主腦風頭痛。目瞶眩暝。項強。不得回顧。心



悸癩風勞疾羸瘦。

頭緣耳上却行至完骨凡十二穴第五。

天衝二穴主偏頭風頭角痛癩風強瘕牙齦腫善驚恐。

率谷二穴主偏正頭風腦兩角強痛頭重痰氣膈痛酒風膚腫煩悶胃寒嘔吐目痛。

曲鬢二穴主頷頰腫引牙車不得開急痛口噤不能言頸項不得顧腦兩角痛爲巔風引目眇。

浮白二穴主寒熱喉痺耳鳴無聞。齒痛頸強。生癰。癭氣胸滿不得息。肩背痛。欬逆痰沫。

竅陰二穴主四肢轉筋。手足煩熱。頭痛如錐刺。不可以動。中風語言蹇澁。欬逆喉痺項強。額痛口苦。厲鼻管內生疽。耳鳴目痛。項毒癰氣。癰疽發厲。熱病汗不出。舌強脇痛。骨蒸勞熱。難經曰。髓會絕骨。一云非懸鐘也。當作枕骨。于理尤勝。

完骨二穴主頭面腫。眼喎口僻。耳鳴項腫。牙車急。耳

後痛喉痺。齒齟煩心。小便黃赤。足痿不收。癩疾。

頭後髮際中央傍行。凡五穴第六。

瘰癧門一穴。禁不可灸。治舌強失音。諸陽熱盛。鼻衄不止。頭痛。項脊強。反折瘕瘕。

天柱二穴。主肩背痛。目瞑視。鼻不知香臭。頭項筋急。不能回顧。偏正頭風。頭旋腦痛。

風池二穴。主洒淅寒熱。汗不出。頭痛。頭眩。目暈。偏正頭風。頸項強急。腰背僂僂。目赤。鼻衄。癩瘡。中風氣。

塞涎上。不語昏危。癭氣不能發汗。

背自第一椎循督脉行至脊骶。凡十三穴第七。大椎一穴。治五勞七傷。骨蒸發熱。盜汗。痰瘧。氣疰頸項。不能回顧。背膊拘急。咳嗽癆瘵。諸虛潮熱。

陶道一穴。主痰瘧。寒熱洒淅。脊強煩滿。汗不出。頭重目瞑。瘳瘵。恍惚不樂。

身柱一穴。主腰脊痛。癩癧瘳瘵。妄見妄言。咳嗽哮喘。小兒驚癇。

神道一穴。主傷寒發熱頭痛。往來痰瘧。恍惚悲愁。健忘驚悸。小兒風癇背反。

靈臺一穴。禁灸。古無治法。

至陽一穴。主腰脊痛。胃中寒不能食。胸脇支滿羸瘦。背脊中氣上下行。腹中鳴。寒熱解。佻四肢痠痛。少氣難言。卒疰攻心。

筋縮一穴。主癲疾狂走。脊脊強痛。目反視。癇病多言。心痛。寒熱進退。四肢拘攣。

脊中一穴。禁灸。治風癩癩邪。黃疸腹滿不嗜食。五痔便血。溫病積聚下利。小兒疳疾脫肛。

懸樞一穴。治腰脊強痛。不得屈伸。積氣上下。水穀不化。下利腹中留疾。

命門一穴。主腎虛腰痛。目眩不明。頭痛身熱。痲瘧。腰腹相引痛。骨蒸五藏熱。男子遺精。女子赤白帶下。小兒發癩。張口搖頭。角弓反折。

陽關一穴。主膝外不可屈伸。風痺不仁。筋攣不行。

腰俞一穴。治腰脊痛不可俛仰。溫瘧無汗。足痺不仁。  
傷寒肢熱不已。女人月閉。溺赤。

長強一穴。治九般痔漏。藏毒。大便洞泄。小便不通。五  
淋。蠱食下部。頭重顛搖。腰僂脊痛。狂病。小兒顛陷。  
驚癇。瘈瘲。嘔血。驚恐失神。瞻視不正。

背自第一椎兩傍。俠脊各一寸五分。下至節。凡  
四十四穴。第八。

大杼二穴。主傷寒汗不出。頭痛項強。脊痛。身熱振寒。

目眩癩癩。瘧疾。喉痺煩滿。勞氣欬嗽。胸中鬱熱。腹  
痛煩滿。裏急癰腫身蹇。經曰。骨會大杼。宜主骨痠  
骨蒸。東垣曰。五藏氣亂於頭。取之天柱大杼。不補  
不瀉。以導氣而已。

風門二穴。主傷寒項強目眩。胸中熱。嘔喘背痛。腠理  
不密。易受風寒。咳嗽噴涕不已。鼻流清水。若腠密  
玄府不洩。取是穴頻刺。洩去熱氣。背永不發癰疽  
肺俞二穴。主勞瘵勞熱骨蒸。痰飲嗽喘。嘔吐支滿。背



僂。肺中風。偃臥。胸滿短氣。不嗜食。五勞七傷。盜汗。久嗽不愈。肺脹。腰背強痛。食後吐水。黃疸癭氣。小兒龜背。

心包俞二穴。治氣逆嘔吐。心痛。留結煩悶。古缺治。

心俞二穴。主心風狂走。虛驚。夜夢失精。盜汗。偃臥。不得傾側。癩癩悲泣。悶亂煩滿。嘔吐不食。欬血吐血。鼻衄。痞塞不言。黃疸丹毒。健忘。小兒心氣不足。數歲不語。

膈俞二穴。主心痛周痺。吐食翻胃。胸滿欬逆。嘔吐痰  
飲。食不下。脇痛腹脹。水腫積癥。喉痺。胃脘當心痛。  
四肢怠惰嗜臥。身重自汗盜汗。熱病汗不出。一方  
云。心生血。肝藏血。此穴居于心肝二俞之間。故爲  
血會。血病宜主此。

肝俞二穴。主肝中風。踞坐不得低頭目。額青脇痛。不  
得息。目眩淚出。吐血。欬逆口乾。疝氣。小腹痛。多怒。  
衄血。鼻酸。雀目夜眩。生翳。筋寒。熱瘞。筋急。肋下與

脊相引而反折。轉筋入腹。將死。目上視。黃疸驚狂。  
癥瘕痞滿。

膽俞二穴。主頭痛振寒。汗不出。膽熱多睡。膽寒不寢。  
眠中涕泪交流。口苦舌燥。咽痛目黃。胸脇急痛。脹  
滿不得臥。嘔無所出。食不下。骨蒸勞熱。

脾俞二穴。主多食身瘦。黃疸。脇下滿。瀉利。體重怠惰。  
疝癰積聚。腹痛。痰瘧寒熱。水腫。氣脹引脊痛。喜欠。  
不嗜食。

胃俞二穴。主中濕霍亂。胃寒腹脹。不進飲食。胃熱結胸。心疼。多食羸瘦。不生肌肉。胸脇滿。目不明。

三焦俞二穴。竇禁炎。主藏府積聚脹滿。羸瘦不能飲食。吐逆。飧泄腸鳴。目眩頭痛。肩背痛。腰脊強。不能俛仰。

腎俞二穴。主腎藏虛寒。腰疼。遺精白濁。羸瘦面黑。耳鳴及聾。頭重目昏。足脛痠疼。四支淫瀼。洞泄。食不化。心腹滿。兩脇滿。小腹急脹。少氣。身腫如水。膝脛

中寒消渴。五勞七傷。虛憊婦人。赤白帶下。月經不調。下元虛損。子戶中寒。一方云。植杖度之。與臍平是穴。

大腸俞二穴。主中燥。大小便不通。腸癖。洩利不止。腸鳴。引腰脊痛。腹脹。繞臍疝痛。多食身瘦。洞泄。脊強不能俛仰。

小腸俞二穴。主大小腸寒熱。疝氣。小便赤澁。淋瀝。小腹脹滿。疝痛。大便膿血。洩利下重。五痔。疼脹。三焦

津液少。口渴不可忍。婦人帶下。

膀胱俞二穴。主風勞脊強腰疼。小便赤澁遺溺。小腹滿。大便難。足脢拘急。不能屈伸。脚膝無力。陰瘡。女人癥瘕。月事不調。

中膂俞二穴。主赤白利。腎虛消渴。腰脊強不能俛仰。腹脹脇痛。腸冷疝痛。汗不出。

白環俞二穴。主夜夢鬼交。遺精勞損。虛風腰脊髓骨不利。筋變痺縮。虛熱無汗。大小不利。脚膝不仁。

上髻二穴。主偏風腰膝冷痛不能起跪。鼻衄寒熱大  
小不利。嘔逆。男子陽痿。婦人絕嗣。陰挺不收。

次髻二穴。主腰痛不得轉搖。疝氣偏墜。痛引陰器。足  
清不仁。背膝寒。腸鳴注泄。小便淋瀝。胸中堅脹。婦  
人赤白帶下。

中髻二穴。主腰痛大小便難。腹脹下利。淋瀝滑洩。男  
子五勞七傷。六極。婦人絕子帶下。月事不調。

下窳二穴。主腰痛不能轉側。大小便不利。寒濕內傷。

腸鳴注瀉。便血。婦人漏下蒼汁。陰中痛引小腹。  
會陽二穴。主腹中寒熱冷氣泄利不止。久痔腸癖下  
血。陽氣虛乏。陰汗時出。

背自第二椎兩傍俠脊各三寸。行至二十一椎  
下凡二十八穴第九

附分二穴。主風寒客于腠理。肩背拘急。頸項強痛不  
得回顧。肘臂不仁。

腧戶二穴。主三尸走注。肩膊痛。欬逆上氣。嘔吐煩瀝。



虛勞喘痿。頸項強急。不得回顧。體熱百節痛。夜夢鬼交。

膏肓二穴。針經未有。唐真人孫思邈始指。無所不療。考在神照集。

神堂二穴。主多夢虛驚狂走。肩脊強急。不可俛仰。胸腹滿。洒淅寒熱。氣逆上攻。時噎。

諛譖二穴。主勞損不得臥。背悶氣滿。腋脇拘急。目眩鼻衄。膈脹。胸中痛。氣逆。肩膊內痛。不得回顧。大風

汗不出。溫瘧寒熱。

膈關二穴。主背痛惡寒。脊強難以俛仰。飲食不下。嘔  
噦吐涎。胸中噫悶。大便不節。小便黃。

魂門二穴。主尸厥走注。胸背引心痛。食飲不下。渾身  
筋攣骨痛。體熱勞嗽。氣不升降。腹中雷鳴。大便不  
節。小便黃赤。

陽綱二穴。主腸鳴腹痛。食不下。大便洩利。不節。小便  
淋瀝。身熱目黃。腹脹怠惰。

意舍二穴。主腹滿虛脹。背惡寒。泄瀉溺黃。食不下。嘔吐。消渴。目黃身熱。

胃倉二穴。主腹中虛脹。水腫。食飲不下。背痛惡寒。不得俛仰。

育門二穴。主心下痛。大便秘。婦人乳癰。

志室二穴。主腰背強痛。飲食不消。腹中堅急。陰痛下腫。遺精。小便淋瀝。吐逆霍亂。

胞育二穴。主腰痛惡寒。不得俛仰。食不消。小腹堅急。

癱閉脊背引痛偃僂。

秩邊二穴。主腰痛不能俛仰。小便淋瀝。五痔發腫。

面部凡三十九穴第十

懸顱二穴。禁深刺。主偏頭風痛。目外眥赤。齒痛身熱。面膚赤腫。鼻洞濁不止。傳爲皤。膜目。熱病煩滿。汗不出。

頷厭二穴。深刺令人聾。主頭風痛。目眩耳鳴。頸項強急。目外眥急。喜噎。頸痛。驚癇。歷節風。汗出。

迎鑿二穴。主面皮赤腫。頭偏痛。目銳眦赤痛。煩心。不欲食。中焦客熱。熱病汗不出。

陽白二穴。主瞳子癢痛。目內紅腫。胥肉熱淚。濕爛冷淚。重衣不溫。頭痛。嘔吐痰沫。背腠寒慄。

攢竹二穴。主火邪乘目失明。睛昏。目赤脹痛者。宜三稜針出血三次。洩去火氣。則目復明。一方主臉動不得臥。頰痛眩暈。瞳子癢。尸厥癲狂。

絲竹空二穴。禁灸。治眼疼。目赤腫。沿皮向前一寸五

分透瞳子窈穴。宜彈針出血。專治迎風爛眼。冷淚出。目眩目赤。目戴上不識人。眼睫倒毛。發狂吐涎沫。偏正頭風。

睛明二穴。禁灸。治目內眦胥肉侵睛。及生翳膜。迎風冷淚。憎寒頭痛。小兒疳積患眼。東垣曰。刺太陽睛明出血。則目愈明。蓋此經多血少氣。故目翳赤痛。從內眦起者。刺之以宣洩太陽之熱。

瞳子膠二穴。主頭痛喉痺。青盲。目紅腫。目癢冷淚。翳

簾翳膜。胥肉。扳睛。患由外眥始者。

承泣二穴不可灸。治口眼喎斜。目瞶。面葉葉動。眼視  
眈眈。目盲赤痛。耳鳴耳聾。一方用艾如麥大灸二  
壯。不可針。

四白二穴。近古禁不宜灸。主頭痛。目眩。赤痒生翳。微  
風目瞶。口眼喎僻。

顴膠二穴。禁不宜灸。主口喎。眼斜。面瞶。目赤。頰腫。齒  
痛。

素膠一穴。禁灸。主鼻喎僻。軌衄窒塞。喘息不利。息肉不消。多涕生瘡。

迎香二穴。主鼻塞不聞香臭。生瘰肉。流清濁涕。口喎面痒。牽動葉葉。狀如虫行。唇腫痛。喘息不利。鼻喎。鼻内生瘡。

巨膠二穴。主目障白膜。目盲無見。翳覆瞳子。鼻塞面風。頰腫。口喎。癢癢。脚氣膝腫。

禾膠二穴。主尸厥口禁。中風口眼喎斜。唇吻腫。鼻瘡。



鼻衄。鼻淵。鼻塞。不聞香臭。不灸。

水溝一穴。治脊強。脊痛。一切腰痛。中風不省人事。中惡鬼擊。喘喝。目不可視。牙關不開。唇腭。啞。僻。戲。笑。消渴。飲水無度。癩。癰。不識尊卑。黃疸。風水。面腫。人中滿。針之出水。水盡愈。

兌端一穴。主唇吻強。四白。睛動。齒齲痛。鼻塞。口噤。鼓頷。舌乾。口渴。牙宣。鼻衄。癩疾。吐沫。小便黃。

顴交一穴。主額中痛。頸項強。不能回顧。目淚。眇。汗。內

背赤。痒痛。生白翳。鼻中息肉。蝕瘡。窒塞不利。面赤。心煩。寒暑瘟疫。齒間出血。

地倉二穴。主中風口喎流涎。目不得閉。唇瞶。不語失音。飲食不收。瞳子痒。遠視眈眈。脚腫。左病取右。右病取左。

承漿一穴。主口喎項強。牙疼。唇吻不收。面腫。消渴。口齒痒蝕。生瘡。暴瘖不能言。偏風半身不遂。

頰車二穴。治牙關不開。口噤不語。失音。牙車疼。頰頰。

腫項強不得回顧。口眼喎僻。左病治右。右病治左。  
犬迎二穴。主風痙瘖瘖。唇吻動。牙疼頰腫。不可以  
嚼。舌強難言。風癱。面浮頸痛。癩癧寒熱。目痛不能  
閉。

耳前後凡二十穴第十一

上關二穴。主耳聾耳鳴。口噤。牙車不開。口眼喎僻。唇  
脂強。目眇青盲。惡風。齒齩嚼物耳鳴痛。禁深刺。

下關二穴。治中風口眼喎僻。牙車脫臼。目眩齒痛。停

耳有膿耳鳴耳聾耳痛。

耳門二穴。主耳內膿瘡無聞。牙疼。口噤不開。兩目紅腫。

和髎二穴。主頭角痛。牙車腫。耳中鳴。頸額腫。鼻痛。面風。招搖。瞻視。瘖瘖。口噤。

聽會二穴。主耳聾氣閉。耳鳴出膿。牙車腫痛。惡寒物。狂走瘖瘖。恍惚不樂。中風口喎。手足不隨。

聽宮二穴。治耳內蟬鳴氣痒。耳聾氣閉。停耳出膿。失

音。心腹滿。癩疾。

角孫二穴。主目生膚翳。齒齲腫。唇脛急。頸項強。

瘰癧二穴。主頭風耳鳴。眇育。目睛不明。驚癩瘰癧。

顛息二穴。主風痙身熱。頭重耳痛耳聾。驚癩瘰癧。喘息嘔吐涎沫。胃脇相引。不得臥。目視不明。

翳風二穴。主耳鳴耳聾。口眼喎斜。呵欠脫頷。口噤難言。頰腫牙車急。耳中膿。瘰癧項強。

頸凡十七穴第十二

廉泉一穴。主舌強舌縱。舌捲短縮。舌腫滿口。重舌喉痺。欬嗽上氣。喘息嘔沫。涎出難言。

人迎二穴。主吐逆霍亂。胸滿喘呼不得息。項中氣悶。飲食不下。咽喉腫癭癰。

天窻二穴。治一切癭癰。耳鳴耳聾。頰腫喉痛。暴瘖不言。肩痛引項。不能四顧。中風瘖噤。

天牖二穴。主頭風面腫。項強不得回顧。目痛不明。不聰。面青黃失澤。夜夢顛倒。

天容二穴。主喉痺寒熱。咽中如梗。項癭。項癰。不可回  
顧。胸中痛滿。不得息。嘔逆吐沫。齒噤。耳鳴及聾。

水突二穴。治咳逆上氣。咽喉壅腫。呼吸短氣。喘不得  
息。噎食。翻胃。

氣舍二穴。治喉痺頸腫。項癭。咳逆上氣。飲食不下。喘  
息。嘔沫。齒噤。

扶突二穴。主咳嗽多唾。上氣喘息。喉鳴如水。鷄聲。暴  
瘖。氣哽。

天鼎二穴。主喉痺咽腫。飲食不下。項癭喉鳴。

肩凡二十八穴第十三

肩井二穴。治五勞七傷。頸項強痛。肩髃閃挫。肘臂不舉。目銳眦痛。缺盆中痛。馬刀寒瘧。此穴五藏六府氣所聚。不可補。令人昏暈。暈者宜出針。不宜留針。瀉法乃可。

肩貞二穴。主寒熱耳鳴耳聾。缺盆肩中熱痛風痺。手臂不舉。如肩端紅腫。宜彈針出血。



巨骨二穴。主驚癇吐血。膊痛。胸中有瘀血。肩臂引急難伸。

天窠二穴。主頸項急。肩肘痛。寒熱。缺盆中痛。胸中煩滿。汗不出。

肩髃二穴。主中風。肩臂痛。風痺不隨。半身不遂。肩中熱。頭不可回顧。手不可及。頭攣急。癰癧。癭氣。

唐魯州刺史庫狄欽患風痺。甄權取此穴刺之。立能挽弓引射。

肩髃二穴。主肩重不能舉。臂肘痛。

臑腧二穴。治肩腫寒熱。臂痠引痛。

秉風二穴。治肩痛不能舉動。

天宗二穴。主肩痺頰頷齒根腫痛。肘臂外後廉痛。

肩外俞二穴。治肩痺寒熱。至肘痛引曲頰。

肩中俞二穴。主寒熱目視不明。欬嗽上氣。唾血。

曲垣二穴。治周痺氣注肩膊。拘急作痛。

缺盆二穴。主息奔胸滿。喘急水腫。汗出寒熱。胸中熱。

滿。缺盆痛腫。項癭。喉痺。癰癧。○缺盆中腫。外潰則生。不則死。

臑會二穴。主寒熱。肩腫引胛中痛。臂痛不能舉。項癭氣瘤。

曾自天突循任脉下行至中庭。凡七穴。第十四天突一穴。主咳嗽哮喘。喉中有聲。肺氣壅塞。咯吐膿血。喉痺。喉瘡。瘖不能言。項癭。瘤氣。許氏云。此穴一針四効。凡下針後良久。先脾磨食。覺針動爲一効。

次針破病根。腹中作聲爲二効。次覺流入膀胱爲三効。然後覺氣流行入腰後腎堂間爲四効矣。

璇璣一穴。治膈脇滿痛。喉痺咽腫。水漿不下。久嗽不愈。痰盛噎塞。

華蓋一穴。主喘急上氣。欬逆喉痺。咽腫。水漿不下。胃皮痛。

紫宮一穴。主胸脇支滿。胸膈骨痛。飲食不下。嘔逆上氣。煩心。欬逆吐血。唾如白膠。

玉堂一穴。主胸膈痛。煩心。欬逆上氣。胸滿不得息。喘急。嘔吐寒痰。

膻中一穴。主氣逆。墮塞。喉鳴。喘嗽。不下食。胸中如塞。心胸諸痛。肺癰吐膿。嘔出涎沫。婦人乳少。灸之良。中庭一穴。主胸脇支滿。噎塞。食飲不下。嘔吐痰涎。食入復出。小兒吐奶。

胸自輪府俠任脉兩傍各二寸下至步廊凡十二穴第十五

輪府二穴。治欬喘逆。痰涎上氣。喉嚨疼。舌本強。胸中痛。不下食。腹脹。

或中二穴。主嗽喘痰涎。胸痛不能食。及乳癰之近少陰者。

神藏二穴。主心懸病。饑善恐。心惕。口熱舌乾。咽腫。上氣。嘔逆。咳嗽。喘不得息。胸滿不嗜食。

靈墟二穴。主胸膈支滿。不得息。欬逆嘔吐。不嗜食。

神封二穴。主胸脇支滿。不得息。洒淅惡寒。咳逆嘔吐。

胸滿不嗜食。

步廊二穴治胸膈脹滿。氣塞不通。呼吸少氣。欬逆嘔吐。不嗜食。

胸自氣戶俠輸府兩傍各二寸下行至乳根凡十二穴第十六

氣戶二穴治欬逆上氣。肩息欬嗽。胸膈脹滿。背痛。不知食味。乳癰。

犀房二穴主胸脇支滿。欬逆上氣。呼吸喘息。多唾濁。

沫膿血。

屋翳二穴。主欬逆上氣。唾膿血。濁沫。痰飲。陽明濕熱。水腫。皮痛不可近衣。

膺窻二穴。主胸脇滿。乳癰寒熱。腸鳴注泄。

乳中二穴。當乳頭。禁不可刺灸。

乳根二穴。主咳嗽氣急。哮喘。胸下滿痛。膈氣食噎。乳癰寒熱。

胸自雲門俠氣戶兩傍各二寸。下行至食竇。凡



十二穴第十七

雲門二穴。禁灸。主傷寒四肢熱不已。胸膈滿。兩脇痛。咳嗽喘氣。脇徹背痛。喉痺癭瘤。慎不可深刺。

中府二穴。主胸中痛。噎閉。氣攻喉項。腹脹。四肢腫。肩背痛。風汗出。皮痛面腫。胸滿寒熱。上氣咳唾。痰沫。面腫。少氣。不得臥。飛尸遁疰。婦人乳癰癭瘤。

周營二穴。主胸脇支滿。不得俛仰。食不下。喜飲。咳唾稠膿。及乳癰之近太陰者。

胸鄉二穴。主胃脇支滿。引膺背。臥不能轉側。

天谿二穴。主胃中滿痛。乳腫喘逆。賁鬱上氣。喉中作聲。

食竇二穴。主胃脇支滿。膈間雷鳴。常有水聲。膈痛。

腋脇下凡八穴第十八

淵腋二穴。主肩項缺盆痛。胃滿臂不能舉。不可灸。

大包二穴。治腹有大氣。不得息。胸脇中痛。

輒筋二穴。主胸脇暴滿。喘息不得臥。

天池二穴。主寒熱胸膈煩滿。腋下腫。心中澹澹大動。  
煩心心痛。喜笑不休。上氣痰瘧。

腹入鳩尾循任脉下行至會陰凡十五穴

第十  
九

鳩尾一穴。非高手不能下。主息賁胸滿。欬嘔。喉痺咽  
腫。噫喘喉鳴。水漿不下。癰癩狂妄昏悶。吐血心驚。  
巨闕一穴。主胸滿氣痛痞塞。驚悸恍惚。吐逆不食。喜  
嘔發狂。鬲中不利。翻胃五藏氣相干。卒心痛尸厥。  
妊娘子。上衝心昏悶。先刺巨闕昏悶除。次補合谷。

瀉三陰交。應針而產矣。

上腕一穴。主九種心痛。風癰驚悸。伏梁痞滿。吐瀉霍亂。腹痛。雷鳴。飧泄。翻胃。嘔吐。腹脹。氣滿。心忡。驚悸。嘔血。吐涎。黃疸。積聚。虛勞。吐血。五毒。窒塞。不能下食。

中腕一穴。主五膈喘息不止。腹脹。中惡。脾疼。翻胃。下利。寒癖。心疝。伏梁。面色痿黃。霍亂。洩出不知。完穀不化。心痛。身寒。不可俛仰。氣塞發噎。

建里一穴。主腹脹身腫。心痛上氣。腸中疼。嘔逆。不嗜食。

下脘一穴。主胃脹羸瘦。腹痛堅硬。氣寒。穀不轉化。不嗜食。小便赤。癰塊連臍。厥氣動搖。翻胃。

水分一穴。主腸胃虛脹。繞臍急痛。衝心。腰脊急強。腸鳴如雷。鬼擊鼻出血。小兒顛陷。一方云。水脹病。灸百壯大良。不可針。針之水出盡死矣。

神闕一穴。主中風不省。久寒傷敗藏府。洩利不止。水

腫鼓脹腸鳴。腹痛繞臍。小兒奶利脫肛。風痲身反。  
徐平仲中風不甦。桃源簿爲灸臍中百壯始甦。

陰交一穴。主少腹堅痛。下引陰中。不得小便。兩丸疝  
痛。陰汗濕癢。腰膝拘攣。鬼擊鼻出血。婦人血崩帶  
下。絕子。賁豚上臍。小兒陷顛。

氣海一穴。治藏氣虛憊。真氣不足。肌體羸瘦。小腹胀  
滿。氣痛賁豚。疝瘕淋瀝。婦人崩漏帶下。小兒遺尿。  
是穴爲生氣之原。諸虛不足。竝宜取之。

石門一穴。主腹痛囊縮。卒疝五淋。便黃嘔血。食穀不化。水腫膚脹。婦人惡露不止。成塊崩中漏下。

關元一穴。治中寒臍下疔痛。下元虛損。遺精白濁。五淋洩利。奔豚疝氣。夜夢鬼交。婦人結血。經事不來。赤白帶下。崩漏不止。

中極一穴。主冷氣積聚。時上衝心。腹中熱。臍下結塊。陰汗水腫。失精絕子。賁豚疝瘕。恍惚尸厥。婦人經閉。胎衣不下。月事不調。血結成塊。陰寒痛痒。寒熱。

羸瘦。斷緒不育。宜三灸之。

曲骨一穴。主失精五藏虛弱。寒極陽痿。小腹脹滿。淋瀝癰閉。癩疝。小腹痛。婦人赤白帶下。陰瘡。

會陰一穴。主前後二陰引痛。不得大小便。主陰汗。陰腫。陰痛。陰寒衝心。陰蝕。陰痔。陰中一切諸痛。陰囊腫大如斗。刺之出水愈。

腹自幽門俠巨闕兩傍各半寸。循衝脉下行至橫骨。凡二十二穴。第二十。



幽門二穴。治胸中痛悶。氣逆煩滿。不嗜食。嘔吐涎沫。  
健忘。小腹脹。洩利膿血。目赤痛。從內眥始。

通谷二穴。主失欠食不下。善嘔。喉痺。暴瘖不能言。結  
積留飲。痰癖胸滿。心中恍惚。目赤痛。內眥始者。

陰都二穴。主心下煩滿。氣逆腸鳴。肺脹。

石關二穴。主噦噫嘔逆。腹痛氣淋。小便黃。大便不通。  
心下堅滿。脊強不利。多唾。目赤痛。從內眥始。婦人  
子藏有惡血。血上衝腹。痛不可忍。

商曲二穴。主腹中積聚。腸痛。不嗜食。目赤痛從內眥始。

盲俞二穴。主善饑。不欲食。心如懸。腹大。時切痛。寒疝。大便燥。心下有寒。目赤痛從內眥始。

中注二穴。主小腹有熱。面黑如地。目內眥赤痛。腰脊痛。腸癰。小腹脹。大便堅燥。女人月事不調。

四滿二穴。主臍下積聚。癥瘕。疝痛。腹大石水。臍下切痛。振寒。目內眥赤痛。女子拘經。惡血。奔豚。上下。

子。

氣穴二穴。主少腹痛。賁豚上衝于心。洩利不止。目赤痛從內眥始。女人月事不調。

大赫二穴。主虛勞失精。陰痛。陰莖痿縮。目赤痛從內眥始。女子赤白帶下。

橫骨二穴。主小腹脹。淋瀝。小便難。陰器引痛。目赤痛從內眥始。五藏虛竭失精。

腹自不容以下。俠幽門兩傍各二寸五分。自天

樞至氣衝俠足少陰各一寸五分凡二十四穴  
第二十一。

不容二穴主腹滿痞癖嘔血心切痛引肩脇背痛不  
可以欬不嗜食腹虛鳴嘔吐。

承滿二穴主腸鳴腹脹上氣喘逆食飲不下肩息噦  
血。

梁門二穴主胃下積氣食飲不思大腸滑泄完穀不  
化。

關門二穴。主遺溺喘滿。積氣腸鳴卒痛。洩利不欲食。  
痰瘧振寒遺溺。

太乙二穴。治癲狂。心煩吐舌。

滑肉門二穴。治癲狂嘔逆吐血。重舌吐舌強。

天樞二穴。主奔豚。脾泄不止。氣脹腸鳴。腹滿。赤白利。  
繞臍切痛。嘔吐霍亂。痰瘧寒熱。水利水脹。一切虛  
損。女人癥瘕血結。漏下赤白。月事不時。

外陵二穴。治腹脹如鼓。脹滿不得息。心痛引臍。

大巨二穴治小腹脹滿。煩渴。小便難。癰疝偏墜。四肢不收。驚悸不眠。

水道二穴治小腹滿。引陰中痛。膀胱有寒。腰背強急。三焦結熱。小便不利。婦人胞中瘕。子門寒。

歸來二穴治奔豚。卵縮入腹。引莖中痛。婦人血藏積冷。餘治同水道穴。

氣衝二穴治七疝偏墜。下焦熱。奔豚逆氣攻心。小腹脹。石水。陰痿莖痛。兩丸冷。腹滿不得正臥。腰痛不

得俛仰。婦人月事不利。陰腫難產。胞衣不出。

東垣曰。脾胃虛弱。感濕成痿。汗大泄。妨食。三里氣街。以三稜針出血。又曰。吐血多不愈。以三稜針于氣街出血立愈。○自氣戶至乳根。去中行各四寸。自不容至滑肉門。去中行各三寸。自天樞至氣衝。去中行各二寸。

腹自期門上直兩乳。俠不容兩傍各一寸五分。下行至衝門。凡十四穴。第二十二。

期門二穴。主傷寒過經不解。胃中煩熱。譫妄。胸膈支  
脹。心切痛。噉逆氣喘。兩脇積氣痛。不得臥。嘔無所  
出。目青而嘔。嘔酸。食飲不下。食後吐水。口乾消渴。  
面赤大燥。肝積肥氣。腎積奔豚。婦人熱入血室。如  
結胸狀。譫語。

日月二穴。主大息悲怒。語言不正。四肢不收。嘔吐宿  
汁。吞酸多唾。小腹熱欲走。

腹哀二穴。主便血腹痛。寒中。氣不化。



大橫二穴。主大風逆氣。多寒。善悲。四肢不可舉動。多汗洞泄。

腹結二穴。主臍痛衝心。腹中寒。瀉利欬逆。

府舍二穴。主疝氣。脾中急痛。循脇搶心。腹滿積聚。厥氣霍亂。

衝門二穴。主中虛氣滿。積氣陰疝。婦人難產。上衝心不得息。

手太陰及臂凡一十八穴第二十三

少商二穴。主胸滿咳逆。煩心善嘔。喉痺。手攣頰腫。彈針出血。大治上焦壅熱腫痛。唐刺史成君綽頰腫如升。喉中閉塞。水粒不下者三日。甄權以三稜針取此穴出血立愈。

魚際二穴。主膚執熱風寒。頭疼咳嗽。喉乾。痺走胸背。不得息。目眩。煩心上氣。失音不能言。少氣不下食。寒慄鼓頷。虛熱舌黃。欬引少腹痛。嘔血溺血。心痺。悲恐。李明之曰。五藏氣亂。取之魚際。

太淵二穴。主胸痺逆氣嘔噦。肺脹煩滿。不得安臥。喘急心痛。飲水咳嗽。臂內廉痛。掌中熱。肩背缺盆引痛。振寒。盜乾數欠。吐血狂言。睛青目白。口噤。溺變色而遺。

經渠二穴。主胸背拘急喘滿。上氣數欠。心痛喉痺。嘔吐。掌中熱。瘧疾咳嗽。熱病不汗。禁不可灸。灸之傷人神明。

列缺二穴。主半身不遂。口眼喎斜。唇縱不收。嗽喘。口

噤寒瘧。頭重如石。牙疼。唾血。嘔沫。偏正頭風。手痿不用。善笑。面目四肢壅腫。肩痺。尸厥。溺血。小便熱。陰莖痛。列缺爲八法之一。以其合任脉。行肺系。而會陰蹻也。

孔最二穴。治熱病汗不出。咳逆。臂內厥痛。屈伸不便。手不及頭。吐血失音。咽腫頭痛。

尺澤二穴。主肺積息賁。胸脹上氣。肘攣不舉。咳嗽喉痺。善嚏悲哭。小便數。汗出中風。

俠白二穴。治心痛短氣。嘔逆煩滿。

天府二穴。禁不可灸。治氣喘逆。目紅腫翳障。吐衄。飛尸惡症。鬼語妄見。癭瘤瘰癧。咽腫。

手厥陰心主及臂凡一十六穴第二十四

中衝二穴。治心痛煩滿。喉痺。舌本強痛。熱病煩悶。汗不出。掌中熱。身如火。

勞官二穴。主心疼。喜怒不時。黃疸。目黃。口中腫臭。胸脇痛。不可轉側。大便血。小便赤。

大陵二穴。主熱病汗不出。手心熱。肘臂攣痛。肢腫。心中痛悶。煩渴狂惑。喜笑不休。悲泣驚恐。面赤目黃。小便如血。嘔噦無度。喉痺口乾。身熱頭痛。短氣腹中盡痛。膿瘡疥癬。婦人乳癰。手痛破裂者。灸此穴良。

內關二穴。主心腹一切痛苦。肘臂攣痛。肢痛。胸脇煩滿。失志狂言。心中大動。喜笑悲哭。面赤目黃。五癰久瘡。中指不用。諸病宜吐不得吐者。取此穴。內關

爲八法之一。以其合陰維。而會衝脈于心胸也。

間使二穴。主傷寒結胸。心懸如饑。卒狂惡寒。嘔沫瘡。不得語。咽中如梗。乾嘔脾疼。久瘡不愈。手心煩熱。面赤目黃。鬼邪霍亂。婦人月水不調。血結成塊。小兒客忤。

却門二穴。主心痛。衄血。唾血。嘔噦。驚悸。神氣不足。

曲澤二穴。治九種心痛。及風冷臂疼。肘痛。腋腫。胸脇支滿。善驚。身熱。煩渴。逆氣。嘔涎。血風疹。搔癢。

天泉二穴。主欬逆。心胸煩滿。脇下支痛。臂內廉痛。肘中攣急。

手少陰及臂凡一十八穴第二十五

少衝二穴。主煩滿。心痛。悲恐。驚笑。目黃。口燥。咽疼。肩腋肘臂痠痛。哮喘。咽中如有瘕肉。痞滿。痰氣。胸膈痛。宜三稜針出血。

少府二穴。主煩滿。悲恐。肘腋攣急。臂痠。胸中痛。掌中熱。五指不能屈伸。本節痛。舌強難言。嘔吐。心血妄。



行。痰壅久不愈。振寒。陰挺出。陰癢。陰痛。遺尿。偏墜。  
小便不通。太息。

神門二穴。主心內呆癡。癩癩發狂。健忘喜。小時臂  
寒。面赤。心笑驚惑。失嘆多言。心痛數噫。梁五痛。  
遺溺失音。

陰郄二穴。主失音不言。洒淅振寒。厥逆心痛。衄血吐  
血。驚悸。肩臂腕骨冷痛。

通里二穴。主頭暈面赤。懊懺心悸。悲恐。臍肘臂痠冷。

目眩苦嘔。喉痺不能言。少氣遺溺。

靈道二穴。主乾嘔心痛。悲恐癡癡。肘攣暴瘖。不言心  
內呆癡。五癩目痛。

少海二穴。主心胸痛。發狂。肘攣。腋下痛。氣逆。心疼。癰  
癰。

青靈二穴。主臂痛不舉。腋痛。目黃。目系痛。振寒。

極泉二穴。主心痛。乾嘔。四支不收。煩渴。臂肘厥冷。  
黃脇痛。悲笑。

手陽明大腸凡二十八穴第二十六

商陽二穴主胸中氣滿喘咳支痛熱病不汗耳鳴耳聾寒熱痰瘧口乾頰腫齒痛目盲肩背急引缺盆中痛病在面部者繆刺之左取右右取左

二間二穴主喉痺頷頸肩背臑臂痛振寒鼻衄齒痛目黃口乾口喎急食不下身寒水結血實者去其血脉

三間二穴主喉痺咽中如梗齒痛目痛耳鳴胸腹滿

腸鳴洞泄。氣喘唇口焦。戾頸喜驚。多唾。急食不通。  
寒瘧氣熱。身寒結水。

合谷二穴。治頭痛目疾。視不明。生白翳。齟齬喉痺。面  
腫耳聾。唇吻不收。偏正頭風。瘖不能言。口噤難開。  
偏風疹疥。鼻衄不止。寒熱痰瘧。熱病無汗。腰脊內  
痛。孕娠禁針此穴。一云。可瀉不可補。補卽下胎。

陽谿二穴。治熱病狂言喜笑。見鬼煩心。五指拘攣。手  
腕無力。目赤有翳。頭痛厥逆。胸滿不得息。寒熱瘧。

疾寒欬嘔沫喉痺耳鳴耳聾驚掣肘臂不舉久患  
痲疥。

偏歷二穴。主肩膊肘腕酸疼腫痛耳鳴及聾目昏鼻  
衄齟齒口僻喉痺寒熱癩瘡風汗不出小便不利。  
溫溜二穴。治口喎膈中氣閉腸鳴腹痛傷寒噦逆寒  
熱頭痛癩疾喜笑狂言見鬼吐涎沫喉痺風逆四  
支腫吐舌口撮。

下廉二穴。主飧泄勞瘵小腹滿小便黃便血狂言偏

風冷痺不遂。俠臍腹痛若刺。食不化。喘息不能行。  
唇乾涎出。乳癰。

上廉二穴。治臂膊偏痛。髓寒。麻木不仁。小便黃赤難  
出。腸鳴走痛。喘息。偏風。半身不遂。腦風時痛。

三里二穴。不可輕灸。治霍亂遺失。失音。痿痺不仁。肘  
攣不伸。中風口僻。手足不隨。齒頰痛。瘰癧。

曲池二穴。主半身不遂。手臂痠疼。捉物不得。挽弓不  
開。繞踝風。手臂赤腫。肘中痛。癰瘰。喉痺。胸中煩滿。

傷寒餘熱不去。皮膚乾燥。瘵癧癩疾。遍身風癩。疥。

肘髻二穴。主風癆嗜臥。肘節風痺。臂腕不舉。肩重腋急。

五里二穴。主風勞驚恐。吐血欬嗽。風寒臂痛。癩癧寒熱。嗜臥。心下脹滿。上氣身黃。

臂臑二穴。主臂細無力。痛不能上頭。頸項拘急。癩癧寒熱。肩背引痛。一方云。宜多灸。不宜針。

手少陽及臂凡二十四穴第二十七

關衝二穴。主三焦邪熱。口唇焦裂。喉痺舌卷。強不能言。頭痛霍亂。氣噎胸滿。不食。臂肘痛不可舉。目生翳膜。視物不明。

液門二穴。主驚悸妄言。咽外腫。臂痛不能自上下。痰癘寒熱。目赤澁。頭痛。耳暴聾。齒暴痛。五指無力。手背紅腫。宜此出血。四肢腫滿。宜此出水。

中渚二穴。主耳聾。目銳眦痛。生翳膜。嗑腫。喉痺。久瘡。



耳後肩臑肘臂外皆痛。無名指不用。熱病汗不出。手五指不得屈伸。

陽池二穴主頭暈臂腕無力。消渴口乾煩悶。寒熱痰瘧。腫痛宜彈針出血。折傷惡血不出亦治。

外關二穴主耳聾渾渾焯焯。目翳。頰痛。噤腫。耳後痛。脇肋肘臂腫痛。無名指不用。五指盡痛。不能握物。傷寒無汗。寒熱往來。外關爲八法之一。以其合陽維而會帶脉也。

支溝二穴。主熱病汗不出。脇肋痛。肩臑肘臂外痛。吐瀉霍亂。口噤不開。暴瘖不能言。卒心痛。鬼擊。傷寒結胸。癰瘡疥癬。婦人任脈不通。產後血暈。不省人事。

會宗二穴。主肌膚痛。耳聾風癩。

三陽絡二穴。主嗜臥。身不欲動。耳聾齟齬。暴音啞不言。

四瀆二穴。主耳聾齟齬。項癭。呼吸短氣。咽中如瘕肉。

狀。

天井二穴。主心胸痛。咳嗽上氣。短氣不得語。唾膿不嗜食。寒熱淒淒不得臥。驚悸癩癩瘰癧。風痺肘臂痛。不能屈伸。耳聾。噤腫。喉痺。目銳。背痛。頰腫。耳後痛。瘰癧腫痛。

清冷淵二穴。主肩臑肘臂外痛。不能舉。不能勝衣。

消灤二穴。主寒熱肩腫。引胛中痛。臂痛不能舉。項癭氣瘤。

手太陽凡一十六穴第二十八

少澤二穴。主目翳腫痛。喉痺。舌強口乾。項強。瘕癥。欬嗽。涎吐。瘧疾。寒熱。汗不出。婦人無乳。及乳癰痛。乳汁不通。一方治鼻衄不止。左出灸右。右出灸左。都出齊灸之。三五壯止。

前谷二穴。主寒熱。汗不出。瘵瘧癰疾。耳鳴。頷項腫引耳後。喉痺。咳嗽。吐衄。鼻塞不利。目中翳膜。臂不能舉。婦人產後無乳。

後谿二穴。主瘧寒熱。目赤生翳。鼻衄耳聾。胸滿項痛。不得回顧。肘臂攣急。小腸疝痛。五癰癩狂。不識前後。痂疥。後谿爲八法之一。以其合督脈而會陽蹻於內背與頸也。

腕骨二穴。主熱病汗不出。渾身發黃。耳鳴。目冷淚出。生翳。額頸腫。脇下痛。不得息。臂肘難伸。驚風。瘈瘲。小腸疝氣。瘧疾病狂。

陽谷二穴。主癩疾狂走。熱病汗不出。手腕紅腫。臂外

痛耳聾虛鳴或痒或痛或清水出目眩額頸腫齒  
痛吐舌戾頸左右顧脇下痛小兒搐搦舌強不啣  
乳

養老二穴主項肩如折肘臂如拔手不能上下耳痛  
目腫

支正二穴主風虛驚恐悲愁癩狂勞弱肩背痛節弛  
肘廢手臂麻木不仁十指不用痲疥一方以腕骨  
肘節爲兩端居中是穴當臂之中故曰支正

小海二穴。主頷頸肩臑肘臂外後廉痛。齒根腫。頸項痛。耳聾目黃。小腹疼脹。小腸疝氣。癰癤膿痛。癩發。羊鳴。戾頸瘕癡狂走。

足太陰及股凡二十二穴第二十九

隱白二穴。治腹脹喘滿。不得安臥。嘔吐食飲不下。胸中熱。暴泄。衄血。足寒不溫。卒尸厥。死不知人。脉動如故。婦人經事不通。及過時不止。小兒客忤驚風。大都二穴。治寒濕脚氣。繞踝風熱。病汗不出。手足厥

令。上腕痛。腹脹煩噦。熱悶不得臥。身重骨疼。吐逆。目眩。腰痛。不可俛仰。虺厥。小兒客忤。若本節痛腫者。三稜針出血。

太白二穴。治脾藏虛寒。泄瀉嘔吐。胃脘痛。身熱煩滿。腹脹食不化。洩膿血。腰痛。大便難。氣逆霍亂。腹痛如刺。膝股胣痠。轉筋。身重骨痛。

公孫二穴。治脾虛不食。好太息。癰氣霍亂。寒瘧面腫。煩心狂言。多飲膽虛。氣逆腹脹。食積病至喜嘔。嘔。



已病衰實則腸中切痛。宜瀉。虛則鼓脹。宜補。如本節紅腫者。宜出血。諸病宜下不下者。取此穴。公孫爲八法之一。以其合衝脈。會陰維於心胸也。

商丘二穴。治鼓脹腸鳴便難。脾虛不樂。食不消。身寒喘息。心悲氣逆。骨痺骨疽。魘夢痰痔。癩瘰寒熱。好嘔。陰股內痛。氣癱狐疝。痞氣黃疸。舌本痛。腹脹寒瘧。溏瘕水泄。面黃善思。善味。體重節痛。怠惰嗜臥。婦人絕子。小兒慢驚。

三陰交二穴。主脾虛腹脹。食少脾痛。身重四肢不舉。腹脹腸鳴。飧泄食不化。水腫遺精白濁。寒癖。膝內廉痛。疝氣偏墜。小便不通。陰莖痛。膽虛。食後吐水。夢遺。霍亂。臍下痛。手足逆冷。呵欠。女人赤白帶下。經事不調。胎衣不下。難產。宜瀉三陰交。補合谷。

漏谷二穴。治痞癖。腹脹腸鳴。冷氣衝心。濕痺不能跂立。

地機二穴。治腹中痛。臧痺。女子血癥。按之如湯沃股。

內引膝。男子溇洩。腹脇堅脹。不嗜食。水腫。小便不利。足大指內側紅腫。

陰陵泉二穴。治大小便不通。膝蓋紅腫。筋緊不開。腹脇堅。水脹。腰痛不能俛仰。寒熱不時。喘逆。胸中熱。暴泄。飧泄。霍亂。疝瘕。中寒。不嗜食。遺精。尿失禁。氣淋。陰痛。

血海二穴。主逆氣。腹脹。腎臟風。瘡濕。痒。渾身膿疥。女人陰內腫。暴崩。漏下不止。血閉不通。

箕門二穴。主五淋遺溺。鼠鼯腫痛。小便不通。一方禁刺。

足厥陰及股凡二十二穴第三十

大敦二穴。主尸厥狀如死人。中熱喜寐。脇脹遺溺癰閉。五淋七疝。陰痛。腹臍中痛。陰丸偏大。左病取右。右病取左。婦人血崩不止。陰挺急痛。

行間二穴。主嘔逆洞泄。癩癰。溺難遺溺。胸脇痛。疝痛。小腹脹。目泪。眼赤暴痛。欬逆嘔血。莖中痛。腰痛不

可俛仰。色蒼如死。終日不得息。短氣。肝積。痰癧。膝  
頭紅腫。足趺腫。并宜出血。脹滿浮腫。宜出水。婦人  
小腹腫。經水過多不止。崩中。面塵脫色。小兒急驚  
風。

太衝二穴。主驚風癲癩。咽腫。面色蒼然。心脹如死。胸  
脇支滿。終日不休。善渴。嘔血。兩目雲朦。大便難。小  
腹痛。五淋癰疽。遺溺。溇泄。腰痛。足寒。陰股膝胛內  
踝皆痛。脚氣趺腫。足指拳攣。婦人崩漏。

中封二穴。主陰瘡振寒。小腹腫。繞臍痛。五淋癰閉。足  
逆冷。不嗜食。身黃有微熱。下體不仁。寒疝引腰筋  
攣。陰縮入腹引痛。

蠡溝二穴。主五噎喉中閉塞。如有瘰肉。肩背拘急。不  
可俛仰。數噫恐悸。少氣不足以息。悒悒不樂。小腹  
脹滿。暴痛。如有隆閉。臍下積氣如石。舉丸卒痛。內  
引少腹。足脛寒痠。屈伸不便。女子赤白帶下。月水  
不調。陰挺暴癢。

中都二穴。主諸疝痛。引小腹。不能行立。脛寒腸癖。婦人血癥崩中。產後惡露不絕。

膝關二穴。主風痺。膝內痛。不可屈伸。膝大紅腫。咽喉痛。

曲泉二穴。主膝頭腫痛。筋攣。陰囊濕痒。疝痛。癰閉。房勞失精。下利赤白。陰股胛腫。腹脇支滿。少氣。四支不舉。目眩發狂。衄血下血。喘呼。小腹痛。引喉咽。身體極痛。汗不出。陰腫莖痛。膝脛冷疼。女子血癥。按

之如湯浸股內。小腹腫。陰挺。陰癢。

陰包二穴。主腰尻引小腹痛。小便難。遺溺不禁。婦人崩漏。經水不調。

五里二穴。主腹滿熱閉不溺。陰囊濕痒。兩股生瘡。風勞嗜臥。

陰廉二穴。主婦人絕產。未經生育者。灸三壯卽孕。

足少陰及股并陰蹻陰維凡二十穴。第三十一

湧泉二穴。主尸厥面黑。心中結熱。痛不嗜食。目眩。喉



痺咽腫舌縱挺出胸脇滿脹夾臍痛股內後廉痛  
脛寒而逆五指痛足不踐地足下熱熱厥喘逆失  
音喜渴男子如蠱女人如阻瘖不能言癩癩鼻衄  
不止陰疝陰痺風邪入腹霍亂轉筋腎積奔豚倉  
公傳濟北王阿母病患熱厥足熱淳于意刺足心  
立愈。

然谷二穴主咽腫心恐如人將捕欬血煩滿喉痺舌  
挺自汗消渴喘目昏上氣心痛盜汗骨厥脊醫

股內後廉痛。跣痠。洞泄。小腹脹。氣搶胸脇。吐涎。噎。乾欬。血寒。疝。淋濁。遺精。墮損。惡血留於腹中。婦人無子。陰挺。陰癢。月事不調。初生小兒。臍風。口噤。

太谿二穴。主欬逆。咽腫。心痛。手足寒。至節。吐血。喘息。嘔吐。善噎。痰實。口中如膠。寒疝。嗜臥。溺黃。消渴。手足痿。黃痺。久瘧。少腹痛。大便難。疝瘕。寒熱。欬嗽。不嗜食。腹脇痛。肌瘦。女人經事不調。血留凝結。東垣曰。治痿宜導濕熱。不令濕土尅腎水。其穴在太谿。

照海二穴。主噤乾悲恐。目如見星。嘔吐腹痛。久瘧暴  
疝。淋瀝陰挺。二便不通。腹內一切隱疾。潔古云。癩  
病夜發。灸陰蹻。一方出血。主噤口喉痺。照海爲八  
法之一。以其合陰蹻。會任脉於喉嚨也。

太鐘二穴。主嘔吐胸滿。喘息腹脹。便難淋瀝。腰脊強。  
膈脛痠。寒濕脚氣。少氣嗜臥。口中熱。多寒。欲閉戶  
而處。舌乾食噎。善驚恐不樂。喉中鳴。咳唾氣逆。煩  
悶癢閉。

水泉二穴。主心悶腹痛。目眊眊不能遠視。淋瀝陰挺。  
脚氣。踝骨痠痛。偏墜木腎。女人月事不來。

復溜二穴。主腸癖。腰脊內痛。不得俛仰。起坐。舌卷不  
能言。目昏。腹脹。十般水腫。足痿。脛寒。胃熱。虫動。涎  
出。腸風。血痔。腸鳴。腹脹。洩利。五淋。骨蒸。寒熱。盜汗  
不止。齩齒。脉細。微欲絕。傷寒無汗。補合谷穴。泄此  
穴。汗立出。傷寒汗多。補此穴。瀉合谷穴。汗立止。

交信二穴。主氣淋。癘疝。陰急。引臑。下利赤白。陰汗。股

樞內痛。二便難。小腹痛。女人血崩陰挺帶下。四肢淫樂。

築賓二穴。主足膈痛。七疝。癲狂。妄言罵詈。漚沫。

陰谷二穴。治膝痛不能屈伸。舌縱心煩。癰閉。股內廉痛。陰痿。陰部濕痒。女人血崩腹脹。男子如蠱。女人不孕。

足陽明及股凡三十穴第三十二

厲兌二穴。治尸厥口噤。狀如中惡。面目腫。喉痺齒痛。

鼻不利。口喎唇脣。頸腫。腹脹不食。胸乳氣街伏兔。循引而痛。膝胫足跗皆痛。多驚好睡。水腫熱病汗不出。寒瘧癩狂黃疸。消穀善飢。溺黃。

內庭二穴。治四肢厥逆。腹脹滿。數欠。惡聞人聲。振寒。耳鳴咽痺。頰腫齒痛。鼻衄不止。瘧疾。不嗜食。氣喘。便血。胃中停食。冷積。脚背紅腫。傷寒手足厥冷。汗不出。赤白痢。仲景曰。傷寒欲作再經者。鍼足陽明。使不傳則愈。此穴近之。

陷谷二穴。主面目浮腫。水脹善噫。腸鳴腹痛。熱病汗不出。振寒瘧疾。若脚背紅腫。宜彈針出血。

衝陽二穴。主偏風口眼喎斜。齧齒跗腫。寒熱腹脹。不嗜食。振寒而欠。足緩狂妄。棄衣而走。身前痛。

解谿二穴。治面風浮腫。顏黑。厥氣上冲。腹大下重。目眩頭痛。面目赤熱。眉攢煩心。悲泣。股膝脛腫。癩疾。霍亂瘵驚。

豐隆二穴。主腿膝痠。屈伸難。痰飲壅盛。喘不得寧。頭

風厥逆。胸滿腹痛。面浮。四肢腫。足清身寒。脛枯。喉痺不能語言。二便不利。登高而歌。棄衣而走。見鬼好笑。實者瀉之。虛者補之。

巨虛下廉二穴。治小腹痛。引臍丸。耳前熱。肩上熱。飧泄。足大指間痛。足跟痛。汗不出。毛髮焦枯。脫肉少食。面無顏色。胃熱不嗜飲食。唇乾。涎出不覺。便血。暴驚。狂言。喉痺。肝骨腫。風痺不遂。婦人乳癰。

條口二穴。主膝脛寒痠。緩縱不收。濕痺麻木。足下熱。



不能久立。脚痛。胛腫。轉筋。

巨虛上廉二穴。治飧泄。腹脇支滿。夾臍痛。飲食不化。喘息不能動。偏風。足脛不仁。屈伸難。不能久立。風水膝腫。骨髓冷疼。東垣曰。脾胃虛弱。濕痿。汗泄妨食。三里氣衝出血。不愈。取上廉出血。

三里二穴。治胃氣不足。惡聞食臭。喉痺。膈咽不通。心腹脹滿。上支兩脇。飲食不化。腸鳴。腹痛。霍亂。食氣水氣。蠱脹。疝瘕。四肢腫。膝胛痠。華佗云。主五勞七

傷胸中瘀血。女子乳癰。外臺云。凡人過三十以上。能灸此穴。則熱氣下。眼目增明。秦承祖云。諸病皆治。

犢鼻二穴。主膝中痛。不仁。難跪起。治鶴膝風。膝頭紅腫。宜三稜針出血。一方。膝臏腫潰者不治。不潰可治。犢鼻堅硬。勿便攻。先用洗熨。微刺之愈。

梁丘二穴。治鶴膝風。膝頭紅腫。冷痺伸屈不得。筋緊難開。一方云。宜三稜針出血。

陰市二穴。主腿脚寒如冰水。痠疼無力。左癱右瘓。小  
腹脹滿。消渴。寒疝脚氣。

伏兔二穴。主患風濕。膝冷不溫。風痺手足攣縮。腹脹  
脚氣。婦人八部諸疾。○東垣云。癰疽死地有九。伏  
兔居一。

髀關二穴。主腰痛。足麻木。膝寒不仁。股肉痿痺。筋脉  
急痛。小腹引喉痛。

足少陽及股并陽維四穴。凡二十八穴。第三十

竅陰二穴。主頭痛心煩。眼翳喉痺。舌強口乾。耳聾。外  
背痛。脇痛。欬逆寒熱。汗不出。腰髀膝胫踝跗紅腫。  
轉筋痛痺。小指次指不用。癰疽夢魘。

俠谿二穴。主胸脇支滿。不可轉側。痛無常處。寒熱汗  
不出。脚氣紅腫。五指拘攣痛痺。脚心煩熱。目外眦  
赤。目眩。頰頰腫。耳聾。

地五會二穴。禁灸。主腋痛。內損吐血。五指腫痛。乳癰。  
臨泣二穴。主肩脇腰膝外踝節痛。不能轉側。枕骨合

顛痛胸中滿。缺盆腋下馬刀瘡瘍。善噤頰。洒淅振寒。心痛。周痺無常處。厥逆氣喘不能行。痲癩。四肢腫滿。此穴大能去水。導五藏氣。又治患眼一切証。候一方云。渾身蠱脹可出水。脚氣紅腫可出血。放水。鍼隨皮過一寸。臨泣爲八法之一。以其連帶脉。行目銳。而會陽躄也。

丘墟二穴。主胸脇滿痛如刺。髀樞腿胛外踝皆痛。跗風。脚氣紅腫。陽厥無力。目生翳膜。轉筋卒疝。小腹

堅寒瘧

懸鐘二穴。主風勞身重。渾身百節痛。左癱右瘓。兩足不隨。寒濕脚氣。心腹脹滿。胃中熱。不嗜食。虛勞欬逆。泄注。喉痺項強。腸痔瘀血。陰急。鼻衄腦疽。大小便澁。煩滿狂易。遍身生瘡。水腫。治傷寒發熱不退。針曲池穴。泄此穴良。

陽輔二穴。主一切中風癱瘓。筋急拘攣。腰溶溶如坐水中。膝下膚腫。百節痠疼。實無所知。諸節盡痛。無

常處。脇腋腫痿。喉痺。馬刀挾咽。口苦。大息。面塵。善  
潔面青。汗出振寒。疹瘡。頭角痛。目銳背痛。頷頸痛。  
缺盆。胃脇。髀膝。絕骨。外踝。皆痛。膝下生瘡。

光明二穴。主目青昏。胥肉。板睛。紅腫。解你淫。潔。胥痿。  
不能久立。坐不能起。熱病汗不出。卒狂。

外丘二穴。主頸項痛。胸膈滿。膚痛惡寒。陽厥。足外熱。  
腰膝外踝皆痛。足小指次指不用。獐犬傷。毒不出。  
發寒熱。癩疾。小兒龜胸。

陽交二穴。主寒厥。膝胛不收。轉筋痺痛。陰虛眩暈。喉痺面腫。胸脇腫滿。驚狂疾走。

陽陵泉二穴。主腰膝腫痛。風痺不仁。筋緊拘攣。不得屈伸。半身不遂。足冷無血色。

陽關二穴。禁灸。主膝外廉痛。不可屈伸。風痺不仁。

中瀆二穴。主風寒客於分肉間。攻痛上下。筋痺不仁。環跳二穴。主風寒濕痺。半身不遂。髀樞痛。不得轉側。仁壽宮患脚氣偏風。甄權奉勅鍼環跳陽陵泉陽



輔巨虛下廉而能起行。環跳穴痛恐生附骨疽。

足太陽及股并陽蹻六穴凡三十六穴

第三十  
四終

至陰二穴。主目翳鼻塞頭重。小使不利。失精轉筋寒  
瘧風寒從小指起。脉痺上下。帶胸脇痛無常處。婦  
人產難。

通谷二穴。主頭重目眩。身熱驚衄。留飲胸滿。食不化。  
失欠本節紅腫疼腫。彈針出血。脚背紅腫。鋒針出  
血。一方云。五藏氣亂于頭。宜深取通谷束骨。此知

根結者也。

束骨二穴。主腰痛如折。髀不可曲。膈如結。膈如裂。耳聾目眩。惡風頭痛。項不可以顧。皆爛鼻衄。身黃淚出。腸癖痔腫。癰瘡背瘡。

京骨二穴。主目眦赤爛。鼻衄不止。腰脊痛不可俛仰。身後側痛。脚氣紅腫燥裂。咳瘧寒熱。喜驚。不欲食。筋攣。僂僂。心痛。

申脉二穴。主風眩癰癩。厥氣腰痛不能伸。足弱不能

立目反上視。赤痛從內眥始。及諸病在太陽經者。潔古云。癰病晝發。灸陽蹻。申脉爲八法之一。以其合陽蹻。會督脉于內眥也。

金門二穴主尸厥暴死。脉動如故。癰癩張口搖頭身反若折。霍亂轉筋。膝脛痠痛。暴疝。

僕參二穴主脚跟紅腫。痿痺不能踐地。轉筋。尸厥暴死。脉動如故。吐逆痰涎壅盛。頭重如石。癰癩狂言見鬼。

崑崙二穴。主頭項肩背腰尻股膝痛。膈如結。蹠如裂。足跟不能履地。魀衄喘欬。發癰瘕癰狂易。大風偃。僂心痛與背相接。陰腫。婦人孕難胞衣不下。

附陽二穴。主霍亂轉筋。痿厥風痺不仁。時有寒慄。頭項背脊髀樞膝脛皆痛。反張瘕癰。

飛揚二穴。主痔腫體重。不能起坐行立。脚膈痠腫。走痺手足不得屈伸。歷節汗出。頭背痛。目眩暈魀衄。魀疾寒瘧。

承山二穴。主腰股膝膈足踝腫痛。風痺痔漏。便血臧毒。大便艱難。轉筋霍亂。傷寒水結。

承筋二穴。主寒痺轉筋。陰股腫。脚膈痠。小腹痛。大便難。背脹腰疼。頭痛。鼽衄。痔瘡。脚跟急痛。

合陽二穴。治腰脊強痛。引腹。陰股熱。筋痠腫。不能行。立寒疝。偏墜。痔痛。女子血崩帶下。

委中二穴。禁灸。四畔紫脉。上宜鋒鍼出血。大經不宜出血。熱病汗不出。腰重不能舉。小腹堅滿。不得小

便足筋緊急。膝頭紅腫。大風眉髮墮落。風痺癱瘓。  
癰疽發背。便毒等症。并宜出血。血出痼疾皆愈。脚  
弱不宜出血。

委陽二穴。主腰脊痛。不可俛仰。股陰痛。不得小便。風  
痺淋瀝。癩癧癩疾。小腹堅。傷寒寒熱。

浮却二穴。主霍亂轉筋。小腸熱。大腸結。脛外筋急。髀  
樞不仁。二便不利。

殷門二穴。主腰痛。不得俛仰。腰脊尻臀股陰寒痛。惡

血泄注。外股腫。

承扶二穴。主腰脊尻股引痛。五痔瀉血。大小便難。尻  
鬻癰腫。

季脇凡十二穴第三十四

章門二穴。主腸鳴。盈盈然。食不化。脇痛不得臥。煩熱  
口乾。不嗜食。胸脇支滿。喘息心痛。腰痛不得倒。傷  
食。身黃羸瘦。賁豚。腹腫脊強。四肢懈惰。善恐。少氣  
厥逆。肩臂不舉。

京門二穴主腰痛不得俛仰寒熱臍脹引背不得息  
水道不利溺黃少腹急腫腸鳴洞洩髀樞引痛

帶脉二穴主婦人少腹堅痛月脉不調帶下赤白裏  
急瘕瘕。

五樞二穴主男子寒疝陰卵上入小腹痛。

維道二穴主嘔逆不止三臑不調水腫不嗜食

居膠二穴主腰引少腹痛肩引胸臂癢急手臂不得

舉而至肩。

紛署集終